



UNIVERSITÄTS-  
BIBLIOTHEK  
PADERBORN

**Cæremoniale FF. Minorum Strictioris Observantiæ Almæ  
Provinciæ Saxoniz S. Crucis**

**Sächsische Franziskanerprovinz vom Heiligen Kreuz**

**Nevhsii, 1706**

**VD18 10502327**

Titulus I. De Communione Fratrum nostrorum per modum viatici.

---

[urn:nbn:de:hbz:466:1-71672](https://nbn-resolving.org/urn:nbn:de:hbz:466:1-71672)


CÆREMONIALIS  
Fratrum Minorum strictioris  
Observantiæ Provinciæ Saxoniae  
sanctæ Crucis,

PARS V.

De usu & administratione Sacramentorum, de modo  
& ordine recipiendi ad Ordinem, Professionem,  
Jubilæum, &c. De Capitulo Culparum Absolu-  
tione Generali, Processionibus, & quibusdam  
alijs.

TITULUS I.

*De Communione Fratrum nostrorum per Modum  
Viatici.*

1.  Ratre aliquo graviter & periculosè laborante, sedulo  
curabit Infirmarius, ut viaticum *Ss. Corporis Domini  
nostri IESU Christi* tempestivè administretur, ne for-  
te contingat eum tanto bono privatum ex hac vita  
decedere.

2. Statuto autem per Superiorem Sacramenti administrandi tem-  
pore, per infirmarium ordinabitur in infirmaria vel cubiculo Infirmi,  
mensa aliqua linteo mundo contecta, in cujus medio sit Crux cum ima-  
gine

gine Crucifixi, & duo luminaria, cum vasculo aliquo pro digitorum ablutione & manutergio : adjungetur quoque stola, si Infirmus sit Sacerdos, qua indutus communicabit more Sacerdotum.

3. Dato per campanellam Refectorij signo, omnes ad chorum conveniant, & P. Guardianus vel Conventus Præses superpelliceo & stola indutus præcedente Acolytho & comitantibus duobus Versiculariis cum luminaribus accensis Sacristia egreditur ad tabernaculum Ssmi Sacramenti, & illo reverenter accepto Fratres genuflexos benedicit; benedictione accepta terram osculantur, deinde surgunt & præcedente Acolytho habente in sinistra aspergillum cum aqua benedicta, in dextra vero tintinnabulum, sequitur alius in habitu ordinario portans crucem, deinde Fratres per ordinem, postremo Sacerdos cum Venerabili Sacramento medius inter duos Ceroferarios cum luminaribus, Sacrista vel secum deferat, vel sollicitus sit, ut in infirmaria tempestivè adsit bursa cum Corporali; dum choro egrediuntur Cantor incipit Psalmum MISERERE MEI DEUS quem alternatim legunt.

4. Cum Sacerdos infirmariam intrat, supposito quod Psalmus MISERERE absolutus, alioquin tam diu expectandum, mediocri voce dicit: PAX HUIC DOMUI. Choro respondente: ET OMNIBUS IN HABITANTIBUS IN EA Et deinde cum Ciborio impendat Infirmo benedictionem. Tum Corporale super mentam ante præparatam explicatur, super quo Sacerdos pixidem cum Sacramento collocat illudque genuflexus adorat: Communitas mox ut infirmariam intrat, hinc inde se sistit, prout loci capacitas permittit, & genuflectit.

5. Sacerdos post adorationem surgens accepto aspersorio de manu Acolythi aspergit Infirmum & cubiculum aqua benedicta dicens Antiphonam.

*Asperges me Domine hyssopo & mundabor, lavabis me & super nivem dealbabor. Deinde subjungitur: Misere mei Deus secundum magnam misericordiam tuam. Cum Gloria Patri & Filio & Spiritui sancto, &c. & Antiphona Asperges me repetitur, postea dicuntur sequentes Versus.*

*V. Adjutorium nostrum in nomine Domini,*

*R. Qui fecit cælum & terram.*

*V. Do-*

V. Domine exaudi orationem meam

R. Et clamor meus ad te veniat.

V. Dominus vobiscum.

R. Et cum spiritu tuo.

OREMUS.

**E**Xaudi nos Domine sancte Pater omnipotens aeternae Deus  
et mittere digneris sanctum Angelum tuum de caelis, qui  
custodiat, foveat, protegat, visitet atque defendat omnes habi-  
tantes in hoc habitaculo : Per Christum Dominum nostrum.

R. Amen.

6. His dictis Infirmum brevi & suavi alloquio excitat ad devotam  
hujus Sacramenti susceptionem, absoluta exhortatiuncula, Infirmus  
coram Communitate de defectibus culpam agnoscit, cui Prælati  
nomine omnium ignoscit, vicissimque petit ignosci, si quid forte  
contra Infirmum à Communitate sit commissum. Deinde legitur  
CONFITEOR & Infirmus communicatur. Infirmo semper offeratur  
ablutio, frequenter etenim indiget; omnibus de more actis, & post-  
quam Sacerdos digitos in purificatione, deinde manus, uno Acoly-  
tho aquam fundente, altero manutergium præbente abluit genufle-  
xus coram Sacramento subjungat.

V. Dominus opem ferat illi super lectum doloris  
ejus.

R. Universum stratum ejus versasti in infirmitate  
ejus.

V. Ego dixi Domine miserere mei.

R. Sana animam meam quia peccavi tibi.

V. Salvum fac servum tuum,

R. Deus meus sperantem in te.

Y

V. Mit-

V. Mitte ei auxilium de Sancto,

R. Et de Sion tuere eum.

V. Esto ei Domine turris fortitudinis,

R. A facie inimici.

V. Domine exaudi orationem, R.

V. Dominus vobiscum. R. &c.

O R E M U S.

**D**omine sancte Pater Omnipotens aeternae Deus, te fideliter deprecamur ut accipienti Fratri nostro sacrosanctum corpus Domini nostri IESU CHRISTI Filii tui, tam corpori, quam animae prosit ad remedium sempiternum: Qui tecum vivit et regnat in unitate Spiritus sancti Deus, etc.

7. Lectis hisce precibus Sacerdos surgens accedit Infirmum, eumque paucis admoneat de tam immenso beneficio sibi collato, horteturque ad patientiam, & sui omnimodam in Dei beneplacitum resignationem. Monitione finita, Sacerdos aegrotum aspergat aqua benedicta dicens: ASPERGE EUM DOMINE & MUNDABITUR, LAVA EUM ET SUPER NIVEM DE ALBABITUR. Postea cum debita Reverentia accipit pixidem, eamque ambabus manibus tenens, facit cum ea signum crucis super Infirmum, nihil dicens, & ordine quo venerunt revertuntur ad Ecclesiam, in regressu alternatim legatur Psalmus LAUDATE DOMINUM DE CAELIS. In Ecclesia antequam Sacramentum reponatur datur Communitati benedictio.

8. Quod si mors imminet, & periculum sit in mora, preces praemissae vel integrae, vel ex parte prout Superior judicaverit, omittantur, & statim Infirmo Viaticum praebeatur.

TITU-